



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Peccata ritè confitendi.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

INSTRUCTIO

De confessione Sacramentali.

§. I.

Præstanda ante Confessionem.

I. **C**ùm Sacramentum pœnitentiæ, sit
 fons ille, qui à Deo per Zachariam
 Ecclesiæ promissus est c. 13. *Fons patens
 habitantibus Ierusalem, in ablutionem pec-
 catoris.* Ad hunc fontem crebriùs accede,
 si non indies cum S. Ignatio, aut bis cum
 S. Borgia, saltem, si sacerdos sis, alternis
 diebus, aut, ut suadet Regula 3. Sacerdo-
 tum sæpius in hebdomade.

II. præmissa petitione luminis, exami-
 na conscientiam, percurrendo dies, & ho-
 ras diei, loca, item, negotia, personas,
 cum quibus egisti. Nec tantùm confitere
 venialia graviora, sed & labeculas, & im-
 perfectiones voluntarias; tum humilitatis
 gratiâ, ut confundaris; tum amore mundi-
 tici, ut purior ad fontem omnis puritatis
 accedas. S. P. Ignatius quælibet boni omis-
 siones in confessionem adducebat, & mi-
 nima quæq; quæ examinata singulis horis
 conscientia dictaret. Lancic. opusc. 18. c. 8.

Pro

Alphabetum reminiscentiæ peccatorum 89

Pro reminiscentiâ peccatorum, servient hæc Alphabetâ. 1. *Cogitationes*, Acediosæ, ambitiosæ, blasphemæ, curiosæ, dubiousæ, fraudulentæ, gulosæ, invidæ, iracundæ, inhonestæ, murmuratoriæ, odiosæ, otiosæ, pusillanimes, suspiciosæ, superbæ, temerariæ, vanæ. 2. *Verba*: Adulatoria, affectata, amara, ambigua, contemptiva, contentiosa, detractoria, exaggeratoria, ficta, jababunda, inconsiderata, inhonestâ, instigatoria, iracunda, irrisoria, mendacia, mordacia, otiosa, superba, susurratoria, vana. 3. *Opera*. Acediosa, avara, curiosa, gulosa, hypocritica, indevota, indiscreta, injusta, inobedientia, inordinata, inhonestâ, otiosa, partialia, prodiga, præsumptuosa, quæstiosa, sacrilega, temeraria, vana. His jungendi defectus in rebus spiritualibus & divinis admissi. — Nec, licet leviora videantur peccata, contemne.

Qui spernit modica paulatim, decidet. Eccli. 19. Peccata enim hæc, quæ videntur modica, sunt velut guttæ exiguæ, quarum copia navem mergit: sunt velut cunei, qui initio rimulam modicam faciunt; sed sæpius adacti, lignum findunt. Sunt velut ca-

E

sus

sus erga præcipitium, quos ob loci pericu-
 lum, tandem præcipitatio sequitur. Sunt
 velut pulveres in oculos injecti, qui initio
 obnubilant, deinde excœcant. Sunt eche-
 neides, tantilli pisciculi, sed naves grandes
 in cursu defigunt. Sunt *musca morientis*
quæ perdunt suavitatem unguenti. Eccle-
 10. Sunt velut modicæ pluvix guttæ, qui
 charitatis ignem non extinguunt, sed ro-
 bur ejus & fervorem consopiant. Sunt
 denique seminatores discordiæ, qui affe-
 ctuum Rempublicam turbant, animam
 totam inquietant, & interitum minantur.
 Cave ergò ab his, & in iis minuendis
 omnem industriam colloca. *Qui timet*
Deum (& amat) nihil negligit. Eccle. 7.

III. Pro contritione ferventiùs excitandâ,
 proposito efficacius concipiendo,
 ex sequentibus motivis, nunc hoc, nunc
 illud aliquantum rumina; ne ex crebriori
 confessione, negligentia obrepit. Expen-
 de itaque contrarietatem peccati venialis
 quam habet, cum Deo, cum proximo
 cum teipso 1. Peccatum veniale est offen-
 sa Creatoris, te ex nihilo creantis; quem
 tu pro nihilo offendis, membrisque ac sen-
 sibus

sibus ab eo acceptis, ingratus, abuteris. 2. Est offensa Patris amantissimi, te instar Filii tenerrimè diligentis, sustentantis, & innumeris beneficiis afficientis. Tu verò te genuinum non exhibes Filium, obedientiam perfectam denegas, consilia & inspirationes, despicias. 3. Est offensa Redemptoris, qui tanta pro te fecit & sustinuit, seipsum & omnia tibi donavit. Tu autem exiguum reddere renuis, in modico te vincere ejus amore recusas. 4. Est offensa Domini tui & Principis legitimi; & tu ad nutum non pares, quisquiliis & reculis eum postponis. 5. Est offensa primi Principii tui & Finis ultimi; cujus loco tu creaturam colis, rem nihili eligis, eique, Dei perfecto amore excluso, adhæres. 6. Est læsio tui, dum animam tu tot gratiæ & gloriæ gradibus (quorum unus toto mundo præstantior est) spolias & animam tuam, quot peccatis, tot pustulis & maculis deturpas & dehonestas. 7. Est læsio proximi, dum eum vel injustitiâ afficis, vel honorem minuis, vel exemplo noces, vel contristas, & Societatis splendorem obfuscas. Quanta tua ingratitude & proter-

via! quanta malitia, cæcitas, & stoliditas!

IV. Aliàs pro varietate, Divina attributa doloris & contritionis venas aperient. Considera igitur, quòd quovis peccato veniali, agas 1. Contra Divinam omnipotentiam, in omnibus te adjuvantem, conservantem, & sustentantem. 2. Contra Sapientiam & Scientiam DEI te aspicientis, in cuius conspectu delinquere non vereris. 3. Contra infinitam ejus Bonitatem tot te bonis, donis & beneficiis circummulantem. 4. Contra charitatem, gratis, ab æterno te diligentem. 5. Contra Misericordiam toties peccata tibi remittentem, & vindicem justitię manum coherentem. 6. Contra Justitiam, pœnas purgatorii acerbissimas minitantem, quas tu flocci pendis. 7. Contra Sanctitatem, quam imitari te oporteret, sed magis magisque ab ea recedis. Ex his aliis motivis, (quorum plurima in Horologio Sacerdotali adducta sunt) serium dolorem excita, & propositum firmum conpice, ne pœnitentiæ Sacramentum, absque dolore & proposito adeundo, sacrilege reus evadas,